

TEKS UCAPAN
YB DATUK DR. ABU BAKAR BIN MOHAMAD DIAH
TIMBALAN MENTERI SAINS, TEKNOLOGI DAN INOVASI

SEMPENA

MESYUARAT JAWATANKUASA PENASIHAT INDUSTRI
POLITEKNIK MERLIMAU DAN MAJLIS MENANDATANGANI NOTA
KOLABORASI

2 FEBRUARI 2016 (SELASA)
BIILIONAIRE CONCEPT CUISINE, MELAKA

BISMILLAHIRRAHMANIRRAHIM.

ASSALAMUALAIKUM WARAHMATULLAHI WABARAKATUH.

SALAM 1MALAYSIA, SALAM MELAKA MAJU, NEGERIKU SAYANG,
NEGERI BANDAR TEKNOLOGI HIJAU, MELAKA 754 TAHUN,
MELAKA MAJU FASA 2, BERKAT TEPAT CEPAT.

Terima kasih kepada Pengerusi Majlis.

YBHG. PENOLONG PESURUHJAYA KANAN RELA (BERSEKUTU)
ZOLKARNAIN HJ. JOBSHI
Pengarah Politeknik Merlimau;

ENCIK AKMAL ZAABA
Pengurus Besar, Billionaire Cuisine Concept;

ENCIK MOHD AS'RI CHIK
Timbalan Pengarah Akademik, Politeknik Merlimau;

YBRS. TN. HJ. ABD AZIZ TALIB
Timbalan Pengarah Sokongan Akademik Politeknik Merlimau;

YBhg. Dato', Tuan/ Puan
Ahli Jawatankuasa Lembaga Penasihat Politeknik Merlimau;

Pegawai-pegawai Kanan, Para Pensyarah Politeknik Merlimau;

Rakan-rakan Media;

Tuan-tuan dan puan-puan sekalian.

1. Alhamdulillah, marilah kita sama-sama memanjatkan rasa syukur ke hadrat Allah S.W.T kerana dengan limpah kurnia dan izin-Nya, kita dapat bersama-sama berkumpul dalam majlis yang bermakna ini. Saya berasa amat berbesar hati kerana dijemput untuk merasmikan majlis yang penuh bersejarah kepada Politeknik Merlimau, Melaka dan juga Billionaire Cuisine Concept.

2. Pertama sekali saya ingin mengucapkan syabas dan tahniah kepada seluruh warga kerja Politeknik Merlimau Melaka kerana tidak berputus asa menyusun strategi untuk mengembangkan jalinan kolaborasi bersama pemain industri demi pembangunan graduannya. Begitu juga saya ucapkan tahniah kepada Encik Akmal Zaaba atas pembukaan Billionaire Cuisine Concept.

Hadirin yang dihormati sekalian,

3. Saya sentiasa menyokong dan menyambut baik usaha-usaha ke arah pembentukan kerjasama secara formal seperti ini kerana ianya akan menjadikan mereka yang terlibat melaksanakan secara bersungguh-sungguh dan mempunyai matlamat yang lebih jelas.

4. Dalam melahirkan modal insan yang berjaya dan kompeten di pasaran kerja akan datang sememangnya memerlukan penelitian dari pelbagai pihak dan tidak hanya bergantung kepada silibus pembelajaran semata-mata. Ianya amat penting diperbincangkan dan ditelusi secara bersama terutama pandangan dari mereka yang benar-benar sudah berada dalam industri.

5. Sehubungan itu, usaha memperkasakan mutu graduan oleh Politeknik Merlimau ini diharap dapat memberi impak yang besar dalam perkembangan masa hadapan negara. Galakan dan motivasi pelajar

harus diteruskan dalam membantu mereka menghadapi masa hadapan yang lebih mencabar.

Hadirin yang dihormati sekalian,

6. Saya merasakan semua orang perlu bertanggungjawab untuk melahirkan modal insan negara yang berkualiti dalam apa juga bentuk sumbangan yang boleh dihulurkan. Ini termasuklah bantuan idea dan strategi menyediakan graduan yang dilengkapi dengan keperluan yang menepati kehendak majikan.

7. Menjadi harapan kita semua juga, para pelajar tidak pula bergantung kepada pekerjaan makan gaji semata-mata tetapi lebih berani menerokai pelbagai peluang sehingga mampu membuka peluang pekerjaan kepada yang lain. Saya mengambil contoh dengan melihat kejayaan Billionaire Cuisine Concept pada hari ini.

8. Melihat kepada pelbagai usaha yang berterusan dilakukan oleh pihak pengurusan Politeknik Merlimau melahirkan graduan yang kompeten diharap mampu melonjak kekuatan dan memberi inspirasi kepada para pelajarnya untuk lebih berdaya saing dan seterusnya menyumbang kepada kejayaan negara.

9. Dengan termeterai satu lagi perjanjian kolaborasi pada hari ini, saya mendoakan Politeknik Merlimau Melaka dan rakan-rakan industri yang terlibat berjaya melaksanakan semua aktiviti yang telah dirancang dan mencapai sasaran matlamat yang telah ditetapkan. Saya juga mengucapkan selamat maju jaya kepada Billionaire Cuisine Concept semoga perniagaan memperoleh keuntungan yang berlipat ganda.

10. Akhir kata, sekali lagi saya ingin mengucapkan taniah kepada semua yang terlibat atas segala usaha yang dilakukan untuk melaksanakan majlis pada hari ini.

11. Dengan lafaz *Bismillahirrahmanirrahim*, saya merasmikan **Majlis Menandatangani Nota Kolaborasi antara Politeknik Merlimau Melaka dan Industri serta merasmikan Billionaire Cuisine Concept.**

Sekian, terima kasih.

Wabillahitaufik Walhidayah, Assalamualaikum W.B.T.